

Gwerthusiad o wasanaethau digartrefedd i bobl ifanc yn yr ystad ddiogeledd

Crynodeb Gweithredol

1. Amcanion yr ymchwil

Comisiynwyd yr ymchwil i werthuso'r Llwybr Cenedlaethol ar gyfer Gwasanaethau Digartrefedd i Blant a Phobl Ifanc yn yr Ystad Ddiogeledd - cyfeirir ato fel 'y Llwybr' (Llywodraeth Cymru, 2015). Mae'r ymchwil yn canolbwyntio ar y Llwybr ar gyfer pobl ifanc, yn hytrach nag oedolion. Cyhoeddwyd y gwerthusiad o'r Llwybr oedolion ym mis Mehefin 2018 (Madoc-Jones et al, 2018).

Mae nifer o bobl ifanc ddigartref yn troseddu ac yn ddigartref pan maen nhw'n dod i mewn i'r system cyfiawnder troseddol, ac mae nifer o bobl ifanc yn y ddalfa yn ddigartref pan maen nhw'n cael eu rhyddhau (Howard League for Penal Reform, 2009; Maguire a Nolan, 2007). Mae'r Llwybr yn cynrychioli ymrwymiad gan Lywodraeth Cymru i sicrhau bod anghenion tai'n cael eu hymdrin ag yn brydlon ac mewn modd trefnus, gyda'r nod o leihau digartrefedd ymysg pobl ifanc sy'n cael eu rhyddhau. Gan ystyried y cafwyd gwared ar yr angen blaenoriaethol ar gyfer y sawl sy'n gadael y carchar, mae'r Llwybr hefyd yn anelu at sicrhau bod gan bobl sy'n gadael carchar fynediad cyfartal at ddyletswyddau atal a rhyddhad, a'u 'camau rhesymol' cyfatebol. Ar ben hynny, mae'n tynnu ynghyd darpariaethau Deddf Tai (Cymru) 2014 a darnau allweddol eraill o ddeddfwriaeth sy'n berthnasol i bobl ifanc sy'n gadael yr ystad ddiogeledd, megis Deddf Gwasanaethau

Cymdeithasol a Llesiant (Cymru) 2014 a Deddf Cymorth Cyfreithiol, Dedfrydu a Chosbi Troseddwy 2012, yn ogystal â Dyfarniad Southwark.

Lansiwyd y Llwybr ym mis Rhagfyr 2015¹. Mae'r gwerthusiad yn ystyried:

- sut mae awdurdodau lleol, Timau Troseddau Ieuenctid (YOTs), sefydliadau diogel a budd-ddeiliaid eraill o'r trydydd sector yn deall ac wedi rhoi'r prosesau a amlinellir yn y Llwybr ar waith a'r heriau maen nhw wedi'u hwynebu;
- sut mae hyn yn wahanol i drefniadau blaenorol a pha effaith mae wedi'i chael ar fudd-ddeiliaid;
- profiadau'r bobl ifanc sy'n dod i gysylltiad â'r Llwybr;
- effeithiau canfyddedig ar dai, aildroseddu ac agweddau eraill ar fywydau'r bobl ifanc gan gynnwys addysg, hyfforddiant a chyflogaeth; ac
- esiamplau o arferion da a meysydd i'w gwella.

Prif gwestiynau'r ymchwil oedd:

C1. Sut mae'r Llwybr (i'r graddau y mae'n berthnasol i bobl ifanc yn yr achos hwn) wedi cael ei roi ar waith gan y canlynol:

- awdurdodau lleol (gwasanaethau digartrefedd a phlant)
- YOTs
- sefydliadau diogel
- budd-ddeiliaid perthnasol eraill (gan gynnwys o'r trydydd sector).

C2. Beth oedd effeithiau cychwynnol y newidiadau hyn ar y canlynol:

- awdurdodau lleol (gwasanaethau digartrefedd a phlant)
- YOTs
- sefydliadau diogel
- budd-ddeiliaid perthnasol eraill (gan gynnwys o'r trydydd sector).

C3. Pa effeithiau cychwynnol sydd wedi bod ar bobl ifanc sy'n gadael yr ystad ddiogeledd?

¹ Er ei bod wedi bod yn gweithredu ar ffurf gysgodol ers mis Mai 2015 (Madoc-Jones et al, 2018).

2. Methodoleg

Cyn archwilio manylion penodol y Llwybr i blant a phobl ifanc, cwblhawyd adolygiad o dystiolaeth er mwyn deall y Llwybr o fewn ei gyd-destun deddfwriaethol ehangach. Roedd yr adolygiad hefyd yn ystyried y dystiolaeth yn ymwneud â digartrefedd ymysg pobl ifanc a'u cysylltiadau â throsedd er mwyn deall y grŵp defnyddwyr a'u hanghenion. Yn olaf, cynhaliwyd adolygiad o lenyddiaeth ailsefydlu pobl ifanc.

Yn dilyn yr adolygiad o dystiolaeth, defnyddiwyd y fethodoleg ganlynol:

- cyfweiliadau rhannol-strwythuredig gyda budd-ddeiliaid cenedlaethol a lleol (n=65)
- arolwg ar-lein o fudd-ddeiliaid (n=41)
- cyfweiliadau rhannol-strwythuredig gyda phobl ifanc (n=8)
- astudiaethau achos o bobl ifanc gan gynnwys cyfweld â chwe budd-ddeiliad a oedd yn berthnasol i'r achos
- grŵp ffocws gydag uwch fudd-ddeiliaid (n=9)

Er mwyn pennu i ba raddau roedd y Llwybr wedi cael ei roi ar waith a'i effeithiau cychwynnol, cynhaliwyd 65 cyfweiliad rhannol-strwythuredig rhwng mis Awst 2018 a mis Ionawr 2019, gyda (1) budd-ddeiliaid cenedlaethol, strategol (gyda rhai ohonynt yn gyfrifol am weithrediad y Llwybr) a (2) budd-ddeiliaid lleol, rheng flaen gyda chyfrifoldeb dros weithrediad a chyflwyniad y Llwybr i bobl ifanc. Cymerwyd sampl o'r budd-ddeiliaid hyn (o awdurdodau lleol (opsiynau tai a gwasanaethau plant), YOTs, sefydliadau diogel a mudiadau perthnasol eraill o'r trydydd sector) o bum YOT/ardal awdurdod lleol ar draws gogledd, de, dwyrain a gorllewin Cymru.

Ar ben hynny, er mwyn uchafu cyfran y boblogaeth o fudd-ddeiliaid ar draws Cymru ac i ddarparu'r ddealltwriaeth ehangaf bosib o weithrediad ac effaith y newidiadau, cynhaliwyd arolwg cenedlaethol, ar-lein o fudd-ddeiliaid hefyd rhwng mis Ionawr a mis Ebrill 2019, a dderbyniodd 41 ymateb.

Er mwyn pennu'r effaith ar bobl ifanc sy'n gadael yr ystad ddiogeledd, roedd yn bwysig cael barn pobl ifanc. Felly, cynhaliwyd cyfweiliadau gyda saith person ifanc yn y ddalfa a oedd yn aros i gael eu rhyddhau ac un ar ôl eu rhyddhau gan roi cyfle i ddeall eu disgwyliadau a'u profiadau. Er mwyn cael darlun mwy manwl o daith pobl ifanc o'r ddalfa i lety o dan y Llwybr neu fel arall, cwblhawyd astudiaethau achos gyda dau berson ifanc. Ar gyfer un person a gyfwelwyd yn y ddalfa, cynhaliwyd cyfweiliadau gyda'i gweithiwr ailsefydlu a gweithiwr y

YOT, ac ar gyfer yr ail a gyfwelwyd yn y gymuned, fe gynhaliom grŵp ffocws gyda phedwar prif fudd-ddeiliad a oedd yn gweithio gyda'r person ifanc - gweithiwr achos y YOT, gweithiwr cefnogi'r YOT, cynghorydd personol gwasanaethau cymdeithasol a gweithiwr cymdeithasol.

Yn olaf, ar ôl cwblhau'r cyfweiliadau a'r dadansoddiad cychwynnol, cynhaliwyd grŵp ffocws gyda naw uwch fudd-ddeiliad o gyfiawnder ieuenctid, yr ystad ddiogeledd, y trydydd sector a llywodraeth leol er mwyn rhoi adborth iddynt ar y canfyddiadau ac i gael eu barn ar y canfyddiadau.

Cymeradwyodd y Pwyllgor Ymchwil Cenedlaethol a Phwyllgor Moeseg y Cyfadrannau Prifysgol De Cymru y prosiect ymchwil cyn i'r gwaith maes gychwyn.

3. Prif ganfyddiadau

3.1 Nifer y Bobl Ifanc yn y Ddalfa

Mae nifer y bobl ifanc yn yr ystad ddiogeledd yn isel ac mae'r nifer sy'n cael eu rhyddhau gyda phroblemau llety yng Nghymru hyd yn oed yn is.

- Mae nifer y bobl ifanc sy'n gysylltiedig â YOT yng Nghymru, sy'n gwneud dedfryd o garchar, bellach ychydig dros draean y nifer yn 2012 (Bwrdd Cyfiawnder Ieuenctid, 2019). Roedd 32 person ifanc yn y ddalfa o'i gymharu â 90 yn 2012. O'r bobl ifanc hynny, rhai ohonynt yn unig fydd â phroblemau llety. Roeddem yn gallu adnabod wyth yn ein hastudiaeth.
- Rhoddodd y budd-ddeiliaid yn ein hastudiaeth y clod am y niferoedd isel hyn i'r ymdrechion rhagweithiol gan y sawl ym maes cyfiawnder ieuenctid i ddargyfeirio pobl ifanc o'r ddalfa. Felly, er bod y niferoedd isel wedi peri problemau ar gyfer yr astudiaeth hon, yn gyffredinol, dylid meddwl am y sefyllfa mewn modd cadarnhaol.

3.2 Ymwybyddiaeth o'r Llwybr

Ymwybyddiaeth gyfyngedig sydd o'r Llwybr ymhlith budd-ddeiliaid.

- Mae hyn yn rhannol oherwydd perthnasedd cyfyngedig y Llwybr oherwydd nifer isel y bobl ifanc sy'n cael eu rhyddhau o'r ystad ddiogeledd gyda phroblemau llety yng Nghymru.

Dengys fod y bwch mwyaf mewn dealltwriaeth yn ymwneud â pha asiantaeth sydd â chyfrifoldeb, a rolau gwasanaethau plant ac adrannau tai awdurdodau lleol.

- Roedd rhai budd-ddeiliaid yn dadlau bod gan wasanaethau plant gyfrifoldeb dros fodloni anghenion llety pob person ifanc sy'n gadael y ddalfa, tra bod eraill yn awgrymu bod ganddynt ddyletswydd tuag at y sawl a oedd â statws Derbyn Gofal cyn mynd i'r ddalfa yn unig, ac eraill yn dynodi bod yna ddisgresiwn o ran pa asiantaeth sydd â chyfrifoldeb gan ddibynnu ar amgylchiadau a dewisiadau penodol person ifanc.

3.3 Rhoi'r Llwybr ar Waith

Yn gyffredinol, mae'r Llwybr yn cael ei roi ar waith fel y rhagwelwyd, er mae rhai heriau a meysydd y gellid eu gwella.

- Yn ystod y cyfnod cyn y ddalfa, roedd mwyafrif y budd-ddeiliaid yn dadlau bod anghenion tai, gofal a chefnogaeth yn cael eu hadnabod a'u cofnodi yn yr adroddiad cyn-dedfrydu.
- Nid oedd YOTs yn rhannu adroddiadau cyn-dedfrydu gyda gwasanaethau plant bob tro ond roedd yna ansicrwydd o ran a oedd yn briodol iddynt wneud hynny.
- Roedd consensws cyffredinol bod cynllunio ar gyfer rhyddhau'n cychwyn yn gynnar yn y broses, yn aml o'r adeg derbyn yn y ddalfa.
- Roedd pobl ifanc a oedd yn gwneud dedfrydau byr neu rhai gyda newidiadau i'w hanghenion llety yn ystod eu cyfnod yn y ddalfa yn peri her i fudd-ddeiliaid gan eu bod yn gweithio o fewn terfynau amser byr iawn er mwyn sicrhau bod llety priodol yn ei le cyn eu rhyddhau.
- Roedd nifer o fudd-ddeiliaid lleol yn dadlau, ar gyfer y sawl a oedd angen llety, ei bod yn afrealistig disgwyl bod llety'n cael ei drefnu 66 diwrnod cyn eu rhyddhau, er roedd dal yn ddefnyddiol i gael gwybod am berson ifanc yn y sefyllfa hon.
- Nododd budd-ddeiliaid y YOT a gwasanaethau plant bod atgyfeiriadau i adrannau tai awdurdodau lleol yn cael eu gwneud yn brydlon bob tro, ond roedd budd-ddeiliaid tai'n honni bod yna achosion (er yn brin) pan roeddent ond yn dod i wybod am berson ifanc mewn angen ar y diwrnod roeddent yn cael ei ryddhau.

Nid oedd rhai pobl ifanc yn teimlo eu bod yn rhan o gynllunio llety, na chwaith yn gwybod beth oedd yn digwydd. Ni soniodd unrhyw un am fod yn rhan o lunio'r gwaith papur neu hyd yn oed am weld unrhyw waith papur a oedd wedi'i gwblhau am eu sefyllfa llety, na chwaith am ymweld â llety cyn eu rhyddhau. Roedd nifer fechan nad oedd yn gwybod lle roeddent yn mynd i fod yn byw ar ôl eu rhyddhau.

- Roedd rhai uwch fudd-ddeiliaid o'r farn y gellid cyflwyno cyfnod cyn rhyddhau, o bosib gan ddefnyddio Rhyddhau ar Drwydded Dros Dro (ROTL)². Fodd bynnag, roeddent hefyd yn cydnabod y terfynau amser tynn, lle mae yna anawsterau mewn llety 'dros dro' (caiff hwn ei ystyried isod), a byddai trefnu ymweliad llety cyn rhyddhau yn anodd iawn yn ymarferol.

Mae pobl ifanc sy'n cael eu lleoli mewn sefydliadau diogel yn bell i ffwrdd o'u trefi cartref neu bobl ifanc sy'n cael eu pennu i fod yn 'risg uchel' oherwydd natur eu collfarn neu gymhlethdod eu hanghenion, dan fwy o anfantais nag eraill o ran sicrhau llety a chefnogaeth briodol ar ôl eu rhyddhau.

- Mae'r sawl sy'n cael eu lleoli'n bell o'u trefi cartref yn cael anhawster yn cynnal cysylltiadau teuluol a darparwyr cefnogaeth sy'n ymwneud â nhw yn y sefydliadau.
- Mae pobl ifanc sy'n cael eu pennu i fod yn 'risg uchel' yn aml yn cael eu heithrio o gael mynediad at lety â chymorth, gan fod darparwyr yn amharod i'w lletya.

Llety â chymorth a chyfryngu oedd y ddau brif 'gam rhesymol' a ystyriwyd gan adrannau tai awdurdodau lleol i fynd i'r afael â phobl ifanc yn y ddalfa dan fygythiad o ddigartrefedd.

Y rhwystr mwyaf at gyflwyno'r Llwybr yw diffyg llety â chymorth a phroblemau yn cadw lleoliadau llety â chymorth ar agor tra bod person ifanc yn aros i gael ei ryddhau.

- Er bod y Llwybr yn nodi y dylid hysbysu person ifanc o le byddant yn cael eu lletya o leiaf 7 diwrnod cyn eu rhyddhau, mae'r anawsterau wrth sicrhau lle mewn llety â chymorth yn golygu na fod y terfyn amser hwn yn cael ei bodloni bob tro.
- Mae yna gamgymhariad rhwng y terfyn amser 7 diwrnod a nodir yn y Llwybr, a phrosesau cyfiawnder ieuencid sy'n gofyn bod llety'n cael ei sicrhau tua un mis cyn rhyddhau er mwyn caniatáu digon o amser i drefnu cefnogaeth ychwanegol, lleoliadau addysg/cyflogaeth ac i fodloni amodau trwyddedau.
- Er bod budd-ddeiliaid yn cytuno'n unfrydol y byddai person ifanc byth yn cael ei ganiatáu i symud o sofffa i sofffa neu i gysgu ar y stryd ar ôl cael ei ryddhau, o bryd

² Mae Rhyddhau ar Drwydded Dros Dro (ROTL) yn golygu gallu gadael y ddalfa am gyfnod byr o amser at ddibenion ailsefydlu gyda chaniatâd y Llywodraethwr; un o'r rheini yw ymweld â'r llety lle byddant yn byw ar ôl eu rhyddhau (Ymddiriedolaeth Diwygio Carchardai, 2015)

i'w gilydd mae pobl ifanc yn cael eu rhyddhau heb lety addas, neu maen nhw'n symud i mewn i lety anaddas, ac yn gadael yn gyflym.

3.4 Llety ar ôl y Ddalfa

Mae llety gwely a brecwast yn dal i gael ei defnyddio mewn rhai ardaloedd.

- Nid oedd pob budd-ddeiliad yn cytuno y dylid ei defnyddio, gyda rhai yn nodi agweddau cadarnhaol.
- Mae hyn er bod y Llwybr yn nodi bod llety gwely a brecwast yn anaddas oni bai mai dyna oedd y dewis olaf (Llywodraeth Cymru, 2015a; 2016). Mae ymchwil wedi dangos bod llety gwely a brecwast yn cynyddu'r risg o aildroseddu a'r risgiau i bobl (Arolygiaeth Prawf Ei Mawrhydi, 2016).
- Fodd bynnag, ymddengys fod y defnydd parhaus o lety gwely a brecwast yn adlewyrchu'r prinder llety â chymorth, oherwydd iddo gael ei defnyddio'n aml fel y dewis olaf.

Mae angen mwy o lety â chymorth, yn benodol llety sy'n darparu cefnogaeth gynhwysfawr, arbenigol ar gyfer y bobl ifanc hyn gydag anghenion cymhleth.

- Awgrymodd rhai uwch fudd-ddeiliaid bod partneriaid yn cronni cyllidebau i ariannu hyn, yn ogystal â chynnwys llety gwely a brecwast o ansawdd uchel yn y mathau o lety â chymorth.

3.5 Effaith y Llwybr

Roedd modd teimlo prif effaith y Llwybr yn y datblygiad o berthnasau gwaith agosach rhwng partneriaid a helpu i 'ddod ag asiantaethau i'r bwrdd'.

- Honnodd nifer fechan o fudd-ddeiliaid lleol mae prif fudd y Llwybr yw fel arf i ddal partneriaid eraill i gyfrif os nad ydynt yn cael eu gweld i fodloni eu dyletswyddau.
- Wedi dweud hynny, nododd rhai o'r budd-ddeiliaid a oedd yn gyfarwydd â'r Llwybr, neu a oedd wedi ymgyfarwyddo yn sgil cymryd rhan yn yr ymchwil, bod y Llwybr ond yn amlinellu'r hyn a oedd eisoes yn cael ei wneud.

O ran rhoi'r Llwybr ar waith yn y dyfodol, teimlwyd y byddai strwythurau i gefnogi adolygiadau achos aml-asiantaeth a brocer ailsefydlu/tai yn ddatblygiadau defnyddiol. Ar ben hynny, does dim system yn ei le ar hyn o bryd i fesur a monitro effaith y Llwybr.

4. Argymhellion

4.1 Cynyddu ymwybyddiaeth o'r Llwybr

- Mae angen codi ymwybyddiaeth ar lefel rheoli ac ar y rheng flaen ar draws pob sector.
- Dylid cynhyrchu crynodeb dwy-dudalen o'r Llwybr.
- Dylai unrhyw hyrwyddiad a hyfforddiant egluro cyfrifoldebau sefydliadau yn ymwneud â gwahanol gategorïau o bobl ifanc (h.y. pwy sy'n gyfrifol).
- Dylai unrhyw hyrwyddiad a hyfforddiant ystyried y dull orau o ymgysylltu a chydweithredu gyda phobl ifanc. Mae Madoc-Jones et al (2018) hefyd yn argymhell hyfforddi staff ar egwyddorion symbylu ac ymgysylltu â throseddwr mewn modd cadarnhaol.

4.2 Cynyddu argaeledd o lety 'priodol' â chymorth

4.3 Adeiladu ar weithio mewn partneriaeth

- Dylid ystyried cyd-leoli asiantaethau neu leoli gweithwyr achos unigol mewn asiantaethau partner (e.e. gweithiwr YOT yn yr adran opsiynau tai neu swyddog tai yn y YOT).
- Creu neu gefnogi strwythurau aml-asiantaeth ar gyfer adolygiadau achosion (yn unol â llenyddiaeth ailsefydlu – Beyond Youth Custody, 2017; Bateman et al, 2013).

4.4 Cyflwyno system o gydlyniant rhwng partneriaid

- O wybod bod yna ddryswch dros berchnogaeth dyletswydd/diffyg asiantaeth arweiniol, pryderon dros brydlondeb atgyfeiriadau a'r potensial i wella canfyddiad pobl ifanc o ymgysylltiad, dylid cael swyddog penodol neu frocer ailsefydlu/tai i oruchwylio'r Llwybr o'r cychwyn i'r diwedd am gyfnod peilot (hefyd yn unol â llenyddiaeth ailsefydlu - Beyond Youth Custody, 2017; Bateman et al, 2013).
- Dylid monitro prydlondeb atgyfeiriadau (yn unol ag argymhelliad Madoc-Jones et al (2018) ar gyfer y Llwybr i oedolion) mewn modd sy'n ymwybodol o'r heriau a grëir gan yr amserlenni cyfredol.

4.5 Gwella canfyddiad pobl ifanc o ymgysylltiad a chydweithrediad

- Cynnwys pobl ifanc yn y broses o gwblhau gwaith papur/llewi ffurflenni.
- Hysbysu pobl ifanc ar bob adeg o'r llety derbyn.
- Llobyddiaeth am ymweliadau â'r llety cyn rhyddhau (o bosib trwy Ryddhau ar Drwydded Dros Dro). Mae cyd-gynllunio hefyd yn unol â'r llenyddiaeth ailsefydlu (Malloch et al, 2013; Hart a Thompson, 2009; Mason a Prior, 2008).

4.6 Datblygu a hyrwyddo system i fesur a monitro effaith y Llwybr

5. Cyfeirnodau

Bateman, T., Hazel, N. a Wright, S. (2013) [Resettlement of young people leaving custody: lessons from the literature. Beyond Youth Custody \[ar-lein\]](#). [Cyrchwyd 5 Mehefin 2018]

Beyond Youth Custody (2017) [Lessons from Youth in Focus – adroddiad ymchwil \[ar-lein\]](#). [Cyrchwyd 20 Mai 2019]

Hart, D. a Thompson, P. (2009) *Young People's Participation in the Youth Justice System* Llundain: Biwro Cenedlaethol y Plant.

Howard League for Penal Reform (2009) *Youth justice in Wales: thinking beyond the prison bars*. Llundain: The Howard League for Penal Reform.

Arolygiaeth Prawf Ei Mawrhydi (2016) *Accommodation of Homeless 16 and 17 Year Old Children Working with Youth Offending Teams*. Manceinion: Arolygiaeth Prawf Ei Mawrhydi.

Madoc-Jones, I., Hughes, C., Dubberley, S., Gordon, C., Washington-Dyer, K., Wilson, F., Ahmed, A., Lockwood, K. a Wilding, M. (2018) *Gwerthusiad o wasanaethau digartrefedd i oedolion yn yr ystad ddiogel*. Caerdydd: Llywodraeth Cymru.

Maguire, M. a Nolan, J. (2007) *Accommodation and Related Services for Ex-Prisoners*. Yn. A. Hucklesby a L. Hagley-Dickinson (golygyddion.) *Prisoner Resettlement: Policy and Practice*. Dyfnaint: Willan Publishing.

Malloch, M.S., Mclvor, G., Schinkel, M. a Armstrong, S. (2013), [The Elements of Effective Through-Care Part 1: International Review, Adroddiad SCCJR Rhif. 03/2014](#). [Cyrchwyd 27 Tachwedd 2018].

Mason, P. a Prior, D. (2008) *Engaging Young People who Offend: Dogfen wreiddiol* Llundain: Bwrdd Cyfiawnder Ieuencid.

Ymddiriedolaeth Diwygio Carchardai (2015) *Inside out: release on temporary licence and its role in promoting effective resettlement and rehabilitation*. Llundain: Ymddiriedolaeth Diwygio Carchardai

Llywodraeth Cymru (2015) *Llwybr Cenedlaethol ar gyfer Gwasanaethau Digartrefedd i Blant, Pobl Ifanc ac Oedolion mewn Sefydliadau Diogel*. Caerdydd: Cynulliad Cenedlaethol Cymru.

Llywodraeth Cymru (2016) *Cod Arweiniad ar gyfer Awdurdodau Lleol ar Ddyrannu Llety a Digartrefedd*. Caerdydd: Cynulliad Cenedlaethol Cymru.

Bwrdd Cyfiawnder Ieuencid (2019) [Ystadegau Cyfiawnder Ieuencid: tablau atodol 2017 i 2018](#). [Cyrchwyd 26 Ebrill 2019]

Awduron yr Adroddiad: Harriet Pierpoint a Jenny Hoolachan

Gyda chymorth Peter Mackie, Mike Maguire, Kate Williams, Rebecca Jackson, Shelter Cymru a Helen Taylor.

Adroddiad Ymchwil Llawn: Pierpoint, H. a Hoolachan, J. (gyda chymorth Mackie, P. Maguire, M., Williams, K., Jackson, R., Shelter Cymru a Taylor, H. (2019). Gwerthusiad o wasanaethau digartrefedd i bobl ifanc yn yr ystad ddiogel. Caerdydd: Llywodraeth Cymru, Ymchwil Gymdeithasol y Llywodraeth, rhif adroddiad 30/2019. Ar gael yn: <https://llyw.cymru/gwerthusiad-o-wasanaethau-digartrefedd-i-bobl-ifanc-yn-yr-ystad-ddiogel>

Nid barn yr ymchwilwyr a fynegir yn yr adroddiad hwn ac nid yw'r farn hon o reidrwydd yn cyd-fynd â barn Llywodraeth Cymru

Am ragor o wybodaeth, cysylltwch â:

Gwasanaethau Gwybodaeth a Dadansoddi

Llywodraeth Cymru

Parc Cathays

Caerdydd

CF10 3NQ

Ffôn: 0300 025 0090

OGL © Hawlfraint y Goron ISBN Digidol 978-1-83876-799-0